

陽曲縣志卷之六

學校志

戴夢熊曰學校之設由來久矣總之置吏俾育建學俾教儲人才以備用意至深且遠也故立黌宮以處士設祭器以習禮詩書陶其心條教束其身鄉飲鄉射明其揖讓月課歲試昭其勸懲一代名賢鴻儒公卿將相咸由此出孰可畧而不詳者况晉陽人士質直朴實遵聖經息邪說惟司教者是賴漢儒曰雖有自然之性必立師傅誠本論也至于鼓舞振興凡有事茲土者皆有厥責豈獨司鐸者事哉作學校志

目錄 計十條

學宮

祭器

書籍

臥碑

學政

鄉飲

鄉射

義學

作養

學田

陽曲縣志

卷之六
學校

二

學宮

戴夢熊曰學宮何志乎廟曰文志統也殿曰先師志敬也堂曰明倫志教也齋曰正心曰誠意志學也履斯地者可以顧名思義矣雖號舍虛而庠無絃誦然春秋對越朔望展謁大典攸關誰敢廢者人之言曰學校人才所從出余得不重乎哉余得不重乎哉志學宮

文廟

在縣治西金大定年建明洪武二年修成化十二年重修

弘遇重修康熙九年學道董公朱袞知縣宋公時化教諭李方綦重修十九年按察使庫公爾康知

陽曲縣志

卷之六

學宮

三

縣戴公夢熊重修

先師殿

五大間居中央 大清康熙九年改建新墻

東西兩廡

各十三間

戟門

三間左右齋宿所一間祭器庫一間

泮池

橋一座在戟門外

櫺星門

三間額扁曰文廟在泮池南

啓聖祠

舊在明倫堂西後因水浸移於明倫堂東正殿三間 大清康熙十年置配享神龕二座

建牌坊一座

名宦鄉賢二祠

統於府學

儒學大門 一間在櫺星門東今移奎光樓於其上

明倫堂 誠意西曰正心殿左右齋房各一間東曰

奎光樓 九年在明倫堂後大建儒學大門重修十

敬一亭 三間在奎光樓後

教諭宅 一所在敬一亭後

訓導宅 一所在西角門外西齋房後

李方綦曰學宮瀕於水經中丞劉公重修後才
十有三年又見剥落圯漏余香火所在不敢諉也
力圖補葺賴邑侯宋公始之學道董公終之大殿
墻壁明正德間物也新為更換頗稱堅固四配十
哲兩廡諸神龕無敢飾外而疎內啓聖祠舊止一
龕無正門乃益配享東西龕建牌坊一座左右周

陽曲縣志

卷之六 學宮

四

以櫺星墻泮池奎樓諸處皆為重新先賢府學兩
次考正新飾加以連座不紊亂更創建府學兩
廡神龕先董公朱衮二百一十兩學道徐公謂弟
捐銀十兩董公朱衮二百一十兩學道徐公謂弟
化三兩閻公昭三兩諸生李梅等六十餘兩余二
六兩自康熙庚戌三月典工至壬子八月告竣而
兩者當念職任攸關時為修葺飾八神廟而興人
文則於名教之地為有補
矣故書顛末以告來者
李方苞曰陽曲縣學自余兄督修後裁十年耳又
復傾頹漫漶蓋緣地居卑濕嚴冬則地凍而高起
春暖地消墻壁剝落大半時修時毀終不能固今
泉憲庫公邑侯戴公雖捐俸重葺不能後之固不
圯也後之莅斯土者
尚其時勤補葺哉

祭器

劉中式曰學宮祭器兵燹後雖有增補未必皆符定數然事神習禮所繫甚鉅不可畧也今僅記其存者諸有所闕不敢妄載簡策度使後之君子得以考定制而補殘缺焉志祭器

銅簠 三

銅簋 三

錫簠

錫簋 共十

按簠簋盛黍稷之器有虞氏曰敦夏曰瑚商曰琀周曰簠簋簠方簋圓刻木為之古用陶器後世範金為之朱文公奏准祭器皆銅鑄

陽曲縣志

卷之六 祭器

五

銅籩 三十六

錫籩 三十二

銅豆 一十八

錫豆

按籩制古今皆竹製豆制不同夏揭豆殷玉豆周獻豆又魯玉豆雕簋爾雅及鄭氏說以木禮旒人說以瓦呂氏考古圖說及政和近制以銅高廣俱如籩

銅登 用薦太羹

銅鉶 三用薦和羹範金為之

木筐 十

按筐制用竹為之鄭人謂如車苓如竹篋用以承帛蓋詩鹿鳴實幣帛筐篋之遺意也

銅爵 三十

錫爵 三十

按爵盛酒醴之器夏以棧商以斝周以爵禮書云禽小者名爵火小者名燭其義取小為貴因著

戒云其形兩柱
三足隻耳侈口

銅尊 三

銅香爐 三

銅燭臺 三對

銅毛血盤 三

銅盥洗盆 一

銅燭剪 一

木盤座 一

木花瓶 一對

鐵鐘 一並架

鼓 一並架

黃綾面帳 一

案衣 一

黃綾小面帳 一

紅綾面帳 四

竹簾 一

盛祭器木櫃 二

書籍

李方藁曰天下學宮皆建尊經閣以藏書有前代御頒者有上臺購送者無非教育士子爲有本之學有用之材也陽曲澤宮多水尊經無閣兵燹以後散佚者多然斷簡殘編古人之德澤存焉珍藏修護司鐸者不能辭其責矣至敬一箴傳古今之心學謹錄於後慮遺忘也其諸藏刻雖非貯于龔序而一以見昔人鄭重珍惜之至意一以見作者精神心血之所畱詎忍令其泯滅無聞耶故志書

陽曲縣志

卷之六

書籍

七

籍而二者附之

四書大全

五經大全

五倫書

爲善陰隲

資治通鑑

通志列傳

太平經國書

世史正綱

范曄漢書

嘉靖八年太原府知府益都黃公卿送學

通鑑節要

文選

正祀考

以上俱藏本學今多殘缺不全

敬一箴

明世宗御製頒賜天下學宮今雖失落無有附錄其文左

主敬協一
古有盤銘
目罔敢或渝
湯敬日躋
以保祿位
以完其軀

朕為斯箴
底於嘉靖
拳拳希聖

藏刻附

易經
書經

詩經
春秋

禮記
四書

漢文選
唐文粹

元文類
文章正宗

續文章正宗
初學編
以上俱晉府藏板
今散失無存

陽曲縣志

卷之六

書籍

九

寶賢堂石刻
舊在晉府今移入三立祠遺失者多
大清康熙二十一年知縣戴公

夢熊鐫
補成之

清書堂石刻
邑人王元
山西通志
府學藏板知縣戴
夢熊捐建庫房

賦役全書
太原府志

汲冢周書
周文端公文集

桂子園集
邑人王道行
陳文罔文集
學道陳棐著

河汾教
學道文翔鳳著
正祀考
學道閔煦著

聲律發蒙
巡按馬象乾
三立祠傳
學道袁繼咸著

陽明要書
學道桂一章
四書約說
學道孫肇興著

三立祠傳贊 學道劉梅 撫虔拙念 邑人李成名著

益言錄 明儒要言

政學訓言錄 性理守約 以上俱李希洛著

復古指南 知縣周永春 慕隨堂集 邑人叅議傅霖著

陰隲錄 慎言集訓 俱邑人布政馬諫著

澹明野嘯 息齋藏書 俱邑人通政叅議裴希度著

吳越兩山集 邑人知縣趙瑾著 晉風選 邑人知縣趙瑾選

講四書解義 鄉約全書 俱知縣戴夢熊刻

陽曲縣志 知縣戴夢熊著

陽曲縣志

卷之六 藏刻

十

李方綦曰山西通志一書余自康熙甲寅委命纂修至壬戌督學劉公培始竣其事先是督學董公朱袞謝公觀盧公於元培皆有鑒定之力惜後時例難載也劉公命藏於府學以余久於事知作之難必守之慎知縣戴公夢熊捐建庫房三間以為藏貯書板之所併將所刻日講四書解義一部所著陽曲縣志一部附藏焉計四套二十六册共板六百七十葉縣志計一套八册共四百八十六葉戴公殫心竭力諸所創修務為百年之計書籍特其一端耳余必着意收藏隨時查補敢負良吏之心而貽知已之羞哉

臥碑

戴夢熊曰書籍者前代之遺編也臥碑者
本朝之功令也書籍所載詳而盡臥碑所示簡而切
兩者詎可缺一哉然臥碑鐫石已久士子服習成
誦者十無二三此無他其文僅勒墻壁過而輒忘
也吾見廣文李仙葉昔爲陽曲學博刊刻臥碑遍
散諸生今在郡庠亦復如是此爲
朝廷宣教條凡司鐸者皆宜留意焉志臥碑
禮部題奉

陽曲縣志

卷之六

臥碑

十一

欽依刊立臥碑曉示生員

順治九年頒

朝廷建立學校選取生員免其丁糧厚以廩膳設學
院學道學官以教之各衙門官以禮相待全要養
成賢才以供
朝廷之用諸生皆當上報

國息下立人品所有教條開列於後

一生員之家父母賢智者予當受教父母愚魯或
有非爲者子旣讀書明理當再三懇告使父母不
陷於危亡

一生員立志當學爲忠臣清官書史所載忠清事蹟務須互相講究凡利國愛民之事更宜畱心

一生員居心忠厚正直讀書方有實用出仕必作良吏若心術邪刻讀書必無成就爲官必取禍患

行害人之事者往往自殺其身常宜思省

一生員不許干求官長交接勢要希圖進身若果心善德全上天知之必加以福

一生員當愛身忍性凡有司官衙門不可輕入卽有切已之事止許家人代告不許干與他人詞訟

他人亦不許牽連生員作証

一爲學當尊敬先生若講說皆須誠心聽受如有未明從容再問毋妄行辯難爲師者亦當盡心教訓勿致怠惰

一軍民一切利病不許生員上書陳言如有一言建白以違制論黜革治罪

一生員不許糾黨多人立盟結社把持官府武斷鄉曲所作文字不許妄行刊刻違者聽提調官治罪

學政

劉中式曰學政有制始於明祖洪武嗣後斟酌變通爲例不一大抵不離因學定數者近是我朝定鼎童子額已數更矣但比年以來取數太隘而諸生之病故降黜者甚多所入不足償所出余竊恐士子之日少也夫設立學校原欲儲英才以備異日之用而顧令其漸消磨於科歲兩考之內國家又奚賴焉然則斟酌變通今日可或緩乎志學政

明洪武二年十月辛卯詔天下郡縣并建學校以作養士類定在京府學生員六十人在外府學四十人州學三十人縣學二十人日給廩膳聽於民間選補仍免其家差徭二丁八年立社學十六年奏准天下府州縣學自明年爲始歲貢生員各一人二十年令增廣生員不拘額數正統元年令生員名缺許本處官員軍民之家及社學俊秀無過犯子弟選補六年令府學一年貢一人州學三年貢二人縣學二年貢一人遂爲定例十二年奏准

令生員常額之外軍民子弟願入學者提調教官
考選俊秀待補增廣名缺一體考送應試成化三
年令衛學四衛以上軍生八十人三衛以上軍生
六十人二衛一衛軍生四十人不及者不拘有司
儒學軍生二十人正德十年奏准都司衛所學原
定一年一貢者與設廩膳增廣生員各四十名原
定三年二貢者與設廩膳增廣生員各三十名原
定二年一貢者與設廩膳增廣生員各二十名通
行提學官考補以後於優等內照例考選充貢有

多餘者俱作府學不堪者不必取足萬曆十一年
題准各提學每歲考校入學務要不失原額間有
他故巡歷不周次年卽行如數補足其地方果係
科目數多就試人衆則於定額之外量加數名但
不許倍於原數如乏才之處亦毋得因而一槩取
盈

皇清順治初考試童生進學不拘額數四年定每考
童生大學進四十人中學二十五人小學十二人
十五年定六年內止許隨歲考進童生二次其隨

科考停止十七年定大學進十五人中學十人小學五人武學如之十八年定科歲兩考歸併一考定貢例府三年貢二人州二年一人縣三年一人康熙元年停貢二年以策論考試七年停止策論復以八股考試八年復歲貢定府學一年貢一人州學三年二人縣學二年一人九年督學道董公朱袞請於部定中學進十二人小學八人十年復息拔副榜等貢府選拔二人州縣一人十二年復三年歲科兩考進童生二次

鄉飲

戴夢熊曰國家制禮鄉飲爲重所以隆齒德端風化也陽曲附郭統于郡守此典久已廢弛雖前郡守有志復古然僅敦請大賓一人大賓外所謂分賓衆賓者何人乎雖然曠十數年而不舉則禮廢舉而不得其人則禮壞壞與廢其失也均後之舉斯典者慎擇得人勿使朝登筵而夕物議庶於典禮有光矣志鄉飲

按鄉飲酒禮每歲正月十五日十月初一日於明

倫堂行禮以府正官爲主位在東南以致仕官爲大賓位在西北以府貳爲僎位在東北以賓之次者爲介賓位在西南以教授爲司正主揚觶以行罰位在主後以介賓之次者爲三賓位在大賓後以僎之次者爲三僎位在僎後以鄉里年高有德之人爲衆賓位在正西以縣官府首領縣佐貳縣學教官爲僚屬位在正東以老成生員爲贊禮先期主人陳設坐次司正率執事習禮至日黎明宰牲具饌主人率僚屬司正先至遣人速賓賓至出

迎于庠門外三揖三讓升堂兩拜就位執事者引
司正詣堂中北面立賓介以下皆立司正揖賓介
以下皆報揖執事者以觶酌酒授司正司正舉酒
曰恭惟

朝廷率由舊章敦崇禮教舉行鄉飲非爲飲食凡我
長幼各相勸勉爲臣盡忠爲子盡孝長幼有序兄
友弟恭內睦宗族外和鄉里無或廢墜以忝所生
讀畢司正飲酒飲畢以觶授執事司正揖賓介以
下皆報揖司正復位執事者舉律令案於堂中讀

律令者詣案前北向立賓介以下皆拱立讀曰大
誥鄉飲酒禮叙長幼論賢良別姦頑異罪人其坐
席間年老有德者居于上淳篤者次之以次序齒
而列其同類者成席其有曾違條犯法之人列於
外坐不許干與良善之席主者若不分別致使貴
賤混淆察知或坐中人發覺主人坐以違制姦頑
不由其主紊亂正席者全家移出化外的不虛示
嗚呼斯禮始古先哲王之制妥良民於宇內亘古
至今興者鄉里安鄰里和長幼叙無窮之樂又何

言哉吾今特申明之從者昌否者亡再讀律曰
大清律一欵凡鄉飲酒禮已有定式違者笞五十讀
畢復位執事者舉饌案至賓前主人獻賓薦脯醢
設折俎賓酬主人如之獻介僎介僎酬皆如之各
就位坐工入升歌鼓瑟歌鹿鳴四牡皇皇者華三
終工告歌備乃徹饌賓主兩拜訖又賓介僎衆賓
拜訖送賓三揖出庠門而退

李方芑曰按陽曲鄉飲酒禮統于府學廢弛已久
大清康熙七年十月知府秦公宗堯舉行一次請賓
至學因接撫院未果十年十月知府周公令樹舉
行一次請賓原任通政司右叅議裴希度十一年

陽曲縣志

卷之六

鄉飲

十八

正月舉行一次請賓原任江南徐州豐縣知縣闔
昭余兄方藁時署郡庠考定儀注誥律宴圖俱存
府學
附記

鄉射

戴夢熊曰志鄉飲而次以鄉射者何攷二義載諸戴經蓋於憲老乞言之餘籍以敦崇禮讓耳明朝稽古準今畱心鄉飲鄉射名義尙有存者方今憲乞之典猶有時舉行而鄉射之禮知者竟鮮復之果在何日耶志鄉射

按鄉射禮每逢射日先期戒射定耦選職事司正一人副司正一人司射二人司射器一人請射一人舉爵一人收矢一人執旗一人樹鵠一人陳設

訖至日執事者入就位請射者引主射正官及各官員子弟士民俊秀者各就品位司射器者以弓矢置於各位及司射前請射者詣正官前揖畢引屬官以下詣司射器前受弓矢訖復位司正執筭入立於中後請射者詣司射前曰請誘射引司射二人耦進各以三矢措於腰帶之右以一矢挾於兩指間推年長者爲上射年幼者爲下射上射先詣射位向鵠正立發矢每中一矢司正書中投筭置于中舉旗者如所射應之射畢退立於傍讓下

射者詣射位如前射訖請射者引司射二人俱復位收矢者收矢復於射者司正取所置筭畢請射者次請士民俊秀射次請官員子弟射次請品卑至品高者射其就射位發矢書中投筭舉旗復位收矢取筭一一皆如前儀既畢司正副司正各持筭白中於主射正官舉爵者酌酒以授中者飲之中的者三爵中采者二爵飲訖請射者請屬官以下奉弓矢納於司射噐者還詣主射正官前相揖而退

射圃 在敬一亭西今爲水池

觀德亭 在射圃中正北今廢

李方芑曰按記曰合鄉射鄉飲之禮而孝弟之行立矣今儀禮全文不能盡復卽會典所載亦久不行何以教民禮讓乎謹錄大畧以存餼羊之感

義學

戴夢熊曰前代有社學每里設一塾官爲延師給之廩餼以教貧民家子弟甚盛事也陽曲三晉首邑邇來人文稍遜揆厥所由毋亦社學未立故讀書之士少乎爰倣前人之意不襲社學之名謂之曰義蓋欲爲師者歸斯受之也若曰以是彰長吏之義則非余所敢居矣志義學

東路義學 在地藏庵內 中路義學 在黃帝廟內

南路義學 在巡撫白公祠內 南關義學 在狄梁公祠內

陽曲縣志

卷之六 義學

西路義學 在忠烈祠內

北路義學 在普光寺內 以上六處義學俱康熙

義學田地 共計地七頃一十八畝三分五厘除正供外租穀俱義學師收用 康熙十八

年知縣戴公夢熊置

李丕承曰自社學廢後貧家子弟苦於延師多至失學愚鈍者無論已卽有俊秀亦付之無可如何耳邑侯戴公下車以來首設義學六所東西南北各一區敦請名士各一人俾附近者得以就教師之館穀捐俸辦焉近始設立學田以贍之其從童子就學者衆一切館穀等需俱公料理真數十年來未嘗有也後之司牧於茲者人人盡如戴侯又何患晉陽人文之盛不如古昔哉

作養

李方藁曰國家建官置吏一為愛養百姓一為培植人才蓋今日之士子即異日之官吏也昔賢教
育鼓舞勤勤不倦或資以金或贍以田總期養成
廉恥不負國家異日之用耳今雖莫可考詰然當
年殷殷之意至今晉人士猶傳頌焉吏茲土者尚
其倣而行之勿使古人專美於前也志作養

三立書院

即三立祠祀晉中先哲名賢者又為考

學袁公繼咸選取全省各學士子中之可造就者
讀書於中館穀皆公設處舍不能容者分居城內

陽曲縣志

卷之六

作養

二十一

寺觀蓋千餘人三日會文一次公親為提撕一時
誦讀之聲遍省會焉丙子一榜名臣大儒節義文
章表表當時者指不勝屈科目之外矯矯不群者
亦不乏人皆公之所培植也諸生有疾臨榻問之
尤見公真
懇之誼云

三院觀風

撫院按院鹽院下車後皆有觀風額設
經費今裁康熙二十一年按察使庫

公爾康特舉觀風之典捐資賞給獎拔孤寒一時
薪樵起色誠數十年之曠恩也

月課季考

學道月有課知府知縣季有考卷賞皆
有綱銀今裁自康熙十七年知縣戴

公夢熊舉行月課每月二次捐俸館穀至今不輟
又康熙二十一年同知黃公良驥捐資季考品隲

公平闔郡
翕然鼓勸

秋闈起送

時值秋闈先期卜吉設席於明倫堂
今學官對坐諸生左右雁行序坐宴

作樂價優各奏預報元魁之曲延畢眷花被紅
送卷價預備驛馬彩旗樂前導送至大城奎光
樓上仍復執爵鼓勵奏樂如前名曰寶興自額設
奉裁卯酉三闡竟閻然削色壬子歲知府周公令
樹知縣邢公振岳公夢熊盡復舊例大典有光而
已戊午歲知縣戴公夢熊復舊例大典有光而
歲試發落 舊例士子歲試畢有賞給銀兩後奉裁
楊公素蘊衡文三晉尅期竣力杜奔競發落日
各按等第捐給銀牌斥居殿末者寥寥數人而已
其憐才愛士前不多見聞公為御史日劾吳三
桂有不臣之跡朝野駭愕及三桂叛亂人服公之
先見且剛介不撓
之性有如是也

養廉資金

明巡按趙公文炳發銀二百兩學道周公繼昌捐
俸銀八十兩作子母錢每歲加二取息以贍青衿
諸生甚利賴之今無可考

陽曲縣志

卷之六 作養

二十三

書院贍田

明巡按涂公宗濬發銀三百四十兩置
南關外岷岷寺左右地三頃後因不足
又發銀七十七兩置楊家峪村地五十九畝充作
學田備作養師生之費今無可考

常平學倉

明庚戌歲晉饑學道王公三才因貧生
告賑乃議立成法查得空月廩銀原係
本道供億支用據本府見報者計一千七百六十
二兩有奇分發府屬各州縣學多寡不等充糴穀

本照常平法收放止許生員平糴不許包攬以致
乾沒併禁借貸委積朽蠹併收放失時諸弊具請
撫按俱允仍自為記
勒碑紀事今無可考

歲給燈油

舊府縣兩學撫院於每年冬頒銀一百
兩或八兩十兩為生員讀書之資此典行
之蓋已久矣而劉公弘遇深意諒不在一錢一厚為
國家培養人才前人實有深意諒不在一錢一厚為

之惠
云

學田

戴夢熊曰學田亦作養之一端今莫可考但縣有卷后有記四至坐落鑿鑿足據存之以表前人厚士之澤可也志學田

縣卷 陽曲縣為辯糧等事蒙糧儲道詳允通減二

鳴堂告銀一錢五分工價銀一兩二錢依律的王詔

告紙穀銀一錢五分工價銀一兩二錢依律的王詔

二名賈應根僧因文告紙穀銀一兩二錢依律的王詔

地五頃九十一畝八分斷令租頭黃國才等種租

不廷舉黃國才二十四畝武元八畝范九畝

李廷舉七畝杜彥枝十二畝武元八畝范九畝

武大萬各十五畝武世江十三畝武豹九畝五分王

訓十四畝黃收黃國珠各十畝武豹九畝五分王

詔禮七畝賈朝倫五畝賈朝書賈朝麒賈應根八十王

七畝周廷瓚七畝何朝祿八畝何朝儀四畝榮宦

五畝何秀五畝各九年倉以資會課作養之用取

實收併認狀一田三張繳西村黃國才呼延永村何

鳴堂等分租學田四至開明刻立石記以垂永久

石記 陽曲縣為立學田初九日蒙欽差提督學政

西等處提刑按察使司僉事周批蒙此又蒙山西

批前地既係無主候道詳示繳蒙屯田道布政使

等處承宣布政司清軍帶管糧屯田道仰陽曲

縣查報該本縣何鳴堂等告辯糧屯田道仰陽曲

非有糧報之地今入官為學田而黃國才何鳴堂

又分租穀且輕士民兩利也處分最妥之依美

政良法也實收石記以垂永久施行今將黃國才
在卷擬合刻立石記以垂永久施行今將黃國才
等原認租種學田地二頃五十畝五分各開立界
石東至翟村地界南至河渠西至稍堰北至本村
地界其地內除與呼延村賈朝倫五十畝何鳴堂
等分認租種學田地與呼延村賈朝倫五十畝何鳴
東至翟村地界南至河渠西至稍堰北至本村
地界西至稍堰北至河渠